

留壩縣志



留壩縣足徵錄卷一

善化賀仲瑛美恒輯

文徵

沔水篇

水經注

北魏酈道元

襄水西北出衙嶺山東南逕大石門歷故棧道下谷俗謂千
梁無柱也諸葛亮與兄瑾書云前趙子龍退軍燒壞赤崖以
北閣道綠谷一百餘里其閣梁一頭入山腹其一頭立柱於
水中今水大而急不得安柱此其窮極不可強也又云頃大
水暴出赤崖以南橋閣悉壞時趙子龍與鄧伯苗一戍赤崖

屯田一屯赤崖口但得緣崖與伯苗相聞而已後諸葛亮死於五丈原魏延先退而焚之謂是道也自後案修舊路者悉無復水中柱逕涉者浮梁振動無不搖心眩目也褒水又東南逕三交城城在三水之會故也一水北出長安一水西北出仇池一水東北出太白山是城之所以取名矣

按山川志土地志古蹟下各節錄此文此更載其全以備考故不避複

石門銘

王遠

此門蓋漢永平中所穿將五百載世代縣迴戎夷遞作乍開

乍開通塞不恆自晉氏南遷斯路廢矣其崖岸崩淪礧閣埋
禡門南北各數里車馬不通者久之攀蘿捫葛然後可至皇
魏正始元年漢中獻地袞斜始開至於門北一里西上鑿山
為道峭咀盤迂九折無以加經途巨礙行者苦之梁秦初附
實仗才賢朝難其人袞簡良牧三年詔假節龍驤將軍督梁
秦諸軍兼梁秦二州刺史秦山羊公建旗岫漾撫境綏邊蓋
有叔子之風焉以天嶮難升轉輸難阻表求自迴車已東開
創舊路釋負擔之勞就方軌之逸詔遣左校令賈三德領赴
一萬人將帥百人共成其事三德巧思機度情解意會雖

凱之梁河德衡之損躡未足偶其奇起四年十月十日訖永
平二年正月畢功閣廣四丈路廣六丈皆填谿棧壑砮險梁
危自廻車至谷口二百餘里連輶駢轡而進往哲所不工前
賢所輟思莫不夷通焉王生履之可無臨深之嘆葛氏若存
辛息木牛之勞於是畜產鹽鐵之利純錦蜀氈之鏡充物川
內四民富實百姓息肩壯矣自非思埒班爾籌等張蔡忠公
忘私何能成其事哉乃作銘曰

龍門斯鑿大禹所彰茲巖乃穴肇自漢皇導此中國以宣四
方其功伊何既逸且康去深去阻匪閣匪梁西帶汧隴東控

樊襄河山雖險漢德是強昔惟畿甸今則閩疆永懷古烈跡
右人亡不逢殊績何用再光水眺悠晶林望幽長夕凝晚露
畫涵曙霜秋風夏起寒鳥春傷宮隆高閣有車轉轉成夷石
道駟牡其駟千載絕軌百兩更新敢刊巖曲以紀鴻塵

按此石在襄城因文中有迴車至谷口二百餘里之語為

紀事表中所據故錄之

府志襄城縣志載此文多訛今依原碑錄之其漫滅處則從府志

棧道銘

唐歐陽詹

秦之坤蜀之艮連高夾深九州之險也陰谿窮谷萬仞直不
犇崖峭壁千里無土亘隔呀絕巉巖冥冥麋鹿無谿猿猱相

望三代而往蹄足莫之能越秦雖有心蜀雖有情五萬年間
賈不相接且秦之與蜀也人一其性物同所宜嗜欲無餘門
教化無餘源可貿遷可親昵譬坼地脉睽離物理豈造化之
意乎天實凝清而成地實凝濁而形當其凝也如鎔金下鑄
騰雲上浮空隙有所不周迴翔有所不合澄結既定竅缺生
乎其中西南有漏天天之竅缺也於斯有茲地地之竅缺也
天地也者將以上覆下幬含畜萬灵可通必使而通者也苟
有可通而未通聖賢代其工而通之故有為舟以濟川為梯
以踰山惟茲地有川不可以舟涉有山不可以梯及粵有智

慮以全元造立巨衡而舉追氏緹懸鑪以下梓人猿垂絕冥
鳥傍危岑鑿積石以全立梁半空於未用斜根玉壘旁綴青
泥截斷岸以虹矯繞翠屏而龍蹠堅勁膠固雲橫砥平總庸
蜀之通途繞岐雍之康莊都邑之能步山川之蕪徑若水決
防如鴻嚮陽南之北之踵武湯湯躋我我以自若臨蒼蒼而
不懼繇是勢幣以遙達人神以會同稽禮樂之短長量威力
之污隆可王者王可公者公而相吹以風或曰受琢之石長
存可構之材無窮易剋代蠹斯道也未始有終嗚呼為上懷
來在乎德為下昭德在乎義德義之如今口則或人之言有

乎其鎔之則石雖存恐不為琢材雖多恐不為構想夫往昔
有時而有有時而無是用惕惕天下蚩蚩知聖賢創物之意
之人寡明德義固物之道之人稀敢陳兩端之要銘諸斯道
之左庶主德義者存今之所履踵武湯者荷古人之攸作為
銘曰

天覆地燾本以同設大衆難全或漏或缺損多益寡聖

工彼雖有缺與無缺同維北曰秦維南則蜀地缺其間坤維
不續斗起斷岸屹為兩區秦人路絕蜀火煙孤天實不通賢
斯有造鑽堅剗勁無蹊以通若川匪舟若陸匪車緣危轉虛

步驟交如構錐在功存亦由德項拂劉怒旋已墮落我
營自顛而植地非革勢財不易林培植以致惠怨之心勿謂
斯道不恆勿謂斯道不久禮不以禮可有而無恭不以恭可
無而有創之之意知彼固之之理若茲彼知不易茲而易知
勒銘道左其同我思

棧道述

襄中志

洪武二十五年命普定侯監督軍夫增損歷代舊路開通修
建起自襄城縣計雞頭棧八十五間有巡司戍守一名雞頭
潤潤旁有大小石洞北橋棧三間石嘴七盤棧九十二間今

亦曰七盤棧閣河底七盤下橋棧一十五間獨架橋棧一百
四十二間倚雲棧五十一間今曰響水灘棧閣石佛灣棧八
十五間今亦曰盤雲塢棧閣堡子鋪棧六十門飛石崖棧二
百八十間今曰老君崖棧閣門王碓棧二百二十間架雲棧
九十二間石碑口棧十間十二眼棧八十門今亦曰白石崖
棧閣青橋鋪棧三間今亦曰古碑橋曲檻橋六十間今亦曰
黃草山棧閣馬橋鋪棧十間今亦曰青橋棧順平棧三十四
間今亦曰馬道閣棧閣逍遙棧五間今曰青橋登空棧八十
六間今曰老君崖閣三岔鋪橋三間今曰馬道南橋河底棧

二十六間今曰洛馬擇棧閣長亭鋪棧三十八間今曰甜竹
礪棧閣半坡棧五十八間今曰上天橋燕子礪棧六十一間
今曰燕子棧滴水橋百二十一間今曰火燒礪棧閣武曲鋪
棧二間今曰南橋鳴玉棧二十六間今曰簾箕礪棧閣虎頭
閣棧三十八間盤虎棧一百一十五間青雲棧三十六間今
曰鰲魚棧碧霄棧四十五間焦岷鋪橋四間黑龍灣棧七十
一間今曰武曲灣棧閣飛仙閣二十三間今曰武曲閣北棧
閣黑龍棧十間今曰石溝橋小灣棧二十三間今曰八里閣
棧閣雲門棧十二間今曰武閣北橋登坡棧五十間今曰新

開嶺棧轉灣邊山崖子棧八十五間今日安山灣棧閣青陽
棧十五間今日青水棧共二千二百七十五間也

紫柏山免糧記

崇禎元年

明 李一鰲

紫柏峙在千峯之巔嵌屹壁剝今前後翼林木蒼鬱怪石人
立神葱竿竹參雜匝布碕鼓礮鐘叩之成聲蜿蜒遞百里洞凡
七十有二天井甘泉翔雲翻雨雨禱輒應非猿攀不可躋異
人出沒其間隋唐來古廟基列名與五台蓬萊並崇盛於宋
極於明頭陀蝟集鐸誦四聞縉紳遊士過必登登必覽遍數
日徘徊不忍去雲棧奇概此稱絕勝先是僧人於石隙力耕

火種亦不過麴麥稗粒聊佐餐供然岫高風清菁蔭雨露約
十歲中荒有八九糧不可徵亦不能徵萬歷乙酉令鳳者以
連欠無由妄派山糧三石有奇初時化緣並鬻梟器以完尋
且勾攝衣呼殘殷徹骨僧乞裹足以去舊之隙耕仍鞠茂草
官未收糧之利而僧已受徵之害矣迄今莊嚴上刹成虎豹
穴隋唐盛蹟為林莽墟僅存藏經一樓半飄風雨過其下者
靡不遙望而歎歎崇禎元年禪德僧相乾從京師至慨名山
之荒蕪憫古廟之傾圯勵志募緣欲接隋唐來如線之緒待
衆畏糧却步咋舌以去鰲覲迴偕父老商之邑令楊公公神

君也名父也邑人誦德如歌五袴久通者爭獻緡數十年之
積負一旦完六七分以供固不需此山糧即需之而亦不可
得遂慨然下蠲免之令僧如集闍萊浴像翻貝鳴鐘者日益
衆即不能驟復舊蹟亦復之漸也而猶慮及將來之復徵嗟
嗟八百雲棧毓秀產奇結搆此頂且無間登眺搜奇為數十
代大觀禱雨雨應禱晴晴應亦庇我生靈寶爰一毒之後豈
容再毒永免糧石以集其徒而恢其制當不俟詞之畢者贅
謹記者銘楊公之德不朽寧第曰復千載名山之舊

衰斜論

讀史方
輿紀要

國朝

顧祖禹

褒斜道今之北棧南口曰褒在褒城縣北十里北口曰斜在鳳翔府郿縣西南三十里總記川陝相通之道谷長四百七十里昔秦惠王取蜀中之道也漢王就封南鄭張良送至褒中後漢初平二年劉焉牧益州以張魯為督義司馬使掩殺漢中太守斷絕斜谷閣道建安二十二年先主爭漢中曹操出斜谷以臨漢中不克既還數言南鄭為天獄中斜谷道為五百里石穴耳言其深險也蜀漢建興五年武侯將伐魏使諸軍運米集於斜谷口治斜谷邸閣魏延曰願假延奇兵五千從褒中出循秦嶺而東當子午谷而北不出十日可到長

安魏聞人延奄至必棄城走比東方合聚尚二十餘日而公
出斜谷來亦足以達如此則一舉而咸陽以西可定矣武侯
不用乃揚聲繇斜谷道取郿魏使曹真屯郿谷以拒之八年
魏曹真歆繇斜谷侵漢陳羣曰斜谷阻險轉運有鈔襲之虞
是也十二年武侯作木牛流馬復運米集斜谷口治邸閣率
大衆出敝谷至郿軍於渭水南旣而武侯卒楊儀等整軍而
還入谷然後發喪魏延不受命引兵先據南谷口逆擊儀等
兵敗走死景曜六年魏鍾會分從斜谷駱谷子午谷趨漢中
魏景元五年司馬昭以檻車徵鄧艾命鍾會進軍成都又遣